

ZISHA NGOMAKALABHA KWIZINGCWEPHESHI ZABESIFAZANE

■ Into thina esiyisaba kakhulu akusikhona nje ukuthi asazi ngokwanele, esikusaba kakhulu ukuthi sinamandla angaphezu kokwenza. Sisatshiswa ukukhanya esikukho kunobumnyama.

MELBA NZIMANDE

UMnyango Wezemisebenzi Yomphakathi uzishaya isifuba ngohlelo lwawo lwemifundaze oluhlinzekelwa abantu okungebona abasebenzi bomnyango oseluguqule impilo yentsha eningi eNingizimu Afrika jikelele. Abafundi abangama-35 kulo nyaka wezi-2017 bahlomule ngemifundaze yokukhokhela izifundo zabo emikhakheni esingabala kuyo i-Quantity Surveying, eZobunjiniyela, uKuphathwa Kwemiklamo Yezokwakha kanye neZokuthuthukiswa Kwezakhiwo ekhishwe uMnyango Wezemisebenzi Yomphakathi.

Laba bafundi bayaye baqashwe ngumnyango uma sebepothule izifundo zabo, emva kwalokho umnyango ube sewubaqeqesha ukuba bathole izitifiketi ezibagunyaza ngokusemthethweni ukuthi sebeyizingcwepheshi kuleyo mikhakha yabo abayifundele.

Abaphathi basehlovisi leSifunda EsiseNingizimu bakhombise ukukuthakasela ukuxoxa ngempumelelo yabesifazane abathathu abasebancane asebeyizingcwepheshi.

Laba besifazane abasona nje isibonelo sokuthi yini engazuzwa abantu abasha kuphela kodwa bayisibonelo nakwabesifazane abamnyama abaningi abasebasha nosekukade belangazelele ukungena kulo mkhakha okuvame kuwo abesilisa futhi nokuthi bazihambela bodwa kuwona lo

msebenzi abangene kuwona.

Laba besifazane abazimiseleyo futhi abakhuthele bahlose ukuba yisibonelo kubafundi abasebancane abeza emva kwabo balapha esifundazweni saKwaZulu-Natali naseNingizimu Afrika yonkana.

Bafisa ukuthi intsha yabesifazane ifunde ukuzihlonipha futhi ikwazi ukuba wuhlobo lwabantu oluphumelelayo.

Kwezinye zezinkulumbo zakhe, loyo ongasekho u-Nelson Mandela wathi, "Our deepest fear is not that we are inadequate, our deepest fear is that we are powerful beyond measure. It is our light and not our darkness that most frightens us."

As we let our own light shine, we unconsciously give others permission to do the same, as we are liberated from our fears, our presence automatically liberates others", okuhumusheka ngokuthi, "Into thina esiyisaba kakhulu akusikhona nje ukuthi asazi ngokwanele, esikusaba kakhulu ukuthi sinamandla angaphezu kokwenza. Sisatshiswa ukukhanya esikukho kunobumnyama."

Ngenkathi siveza ukukhanya okungubuhle bethu obala, ngokunganaki sinikeza nabanye ithuba lokwenza okufanayo, njengalokhu sesizikhulula ebugqileni bokwesaba kwethu, ubukhona bethu bukhulula nabanye abantu". Ngikholelwa ekutheni laba besifazane bazosusa



ULusanda Xozwa oyi-Quantity Surveyor, uNikiwe Mvuyana oyi-Architect kanye noKuhle Mhlongo oyi-Quantity Surveyor.
Isithombe: MELBA NZIMANDE

inkungu kwabangingi njengalokhu beyisibani, ikakhulu intsha yabesifazane, futhi bazofaka ugqozi nakwabanye ukuba nabo bahambe ezinyathelweni zabo.

ULusanda Xozwa, uneminyaka engama-28 ubudala futhi njengamanje wenza i-Masters ye-Land and Property Development Management. Ukholelwa ekutheni abantu akufanele bazizwe benelisekile ngalokhu asebekuzuzile empilweni kodwa

kufanele njalo balangazelele okukhulu kunalokho abanakho.

UKuhle Mhlongo, naye uneminyaka engama-28 ubudala wenza i-Masters ye-Land and Property Development Management.

UKuhle ugqugquzela abantu abasha ukuba benze isifundo i-Mathematics emabangeni aphezulu ngoba isemqoka uma befuna ukufundela ukuba i-Quantity Surveyor.

UNikiwe Mvuyana naye uneminyaka engama-28 ubudala; uphothule i-Masters ye-Architecture ngowezi-2015.

Abantu abukela kubona yibona bonke abesifazane abamnyama abangalilahlanga ithemba nanoma ngabe sekuthiwani, begxekwa, bengatshazwa kodwa bangabheka emuva baphumelela". Wethemba ukuthi maduze nje uzokwenza i-PhD yakhe